

M. PAULI JUUSTEN,

EPISC. QUONDAM AB.

CHRONICON EPISCOPORUM  
FINLANDENSIVM,  
ANNOTATIONIBUS ET SYLLOGE MONU-  
MENTORUM ILLUSTRATUM.

---

CUJUS

PARTICULAM XII,

CONS. FAC. PHILOS. R. ACAD. ABOENSIS,

PRÆSIDE

M. HENRICO GABRIELE  
PORTHAN,

ELOQ. PROFESSORE REG. ET ORD. R. ACAD. LIT. HUMAN.  
HIST. ET ANTIQUIT. MEMBRO,

*Publicæ bonorum censuræ submittit*

SAMUEL GABRIEL MELLENIUS,  
BOREA FENNO,

In AUDITORIO MINORI die XIII Dec.

A. MDCCCLXXXVIII,

*Horis ante meridiem consuetis.*

---

ABOÆ, Typis FRENCKELLIANIS.

T H E S. I.

Ars scribendi Alphabetica plurimis nominibus vehementer præferenda est Hieroglyphicæ, qua & veteres olim usi sunt, & hodie quoque nationes quædam utuntur.

THES. II. Repertorem Chartæ scriptoriæ, qua hodie utimur, maximis annumerandum esse humani generis benefactoribus, contendere haud dubitamus.

THES. III. Artis scribendi, five Characteristicæ, universalis inveniendæ conatus, frustraneos merito pronuntiamus.

THES. IV. Artem Syllogisticam ad defendendas quidem veritates nonnihil prodeesse, ad inveniendas autem nihil profus conferre, viri acuti recte docuerunt.

THES. V. Imperite valde agunt, qui in disputatione contra Scepticos id tibi demonstrandum sumunt, nostras ideas, rerum externarum accuratas esse imagines.

THES. VI. Auctores veteres Classicos, qui lingvæ tantum discendæ caussa tractandos esse putant, næ illi turpiter falluntur.

THES. VII. Facultati bene pronunciandi, quamvis futuri oratores operam in primis navare debeant; tamen aliis etiam hominibus utilissimam eam esse, contendimus.

THES. VIII. Lingvæ & scientiarum culturam adeo arcto conjungi vinculo, merito statuimus, ut illæ quamdiu rudes manent, neque hæ excoli feliciter possint.

THES. IX. Verba Ennii: *qui sibi sapiens prodeesse nequit, nequicquam sapit*, firmo niti fundamento, facile quisque videt.

THES. X. Scite Seneca: *male inquit vivunt, qui semper vivere incipiunt.*

sim cœpisse existimes? Non tamen eodem quo nunc sita est loco, sed paullo superiore, ad templum S. Mariæ Råndåmåkiense proprius, (in vicinia veteris domus Episcopalis, ubi minor amnis in Auram influit), rudimenta hæc novæ Urbis posita fuisse, verisimile videtur; unde post hodiernum Templum Cathedrale conditum, incole sedes suas porro transtulerunt.

## THOMAS.

(x) Hujus vitam exhibet etiam VASTOVIVS l. c. (Ed. Col. p. 79; Ed. Benz. p. 74 sq), sed & mancam valde, & erroribus foedam.

Gente *Anglum* fuisse noster docet. Id unde didicere, nescire se se testatur Nob. LAGERBRING (l. c. II, p. 462 not. (2)); sed facile erat videre, ex Prædecessorum suorum traditione, nostrum hausisse. Quare in *Fragm.* etiam *Palmuskoldiano* Thomas hicce vocatur *Anglicus*. Cfr. supra p. 151 sq.

(y) Similiter in *Fragm. Palmuskoldiano*, legitur: *de Ordine Fratrum Prædicatorum*. Maturè igitur hunc Ordinem etiam in Svecia sedes fixisse, vel hinc constaret; nisi dubium alicui videri posset, annon ante adventum suum in Sveciam, familiae Dominici adscriptus fortassis noster jam fuerit? Nam post fugam demum ex Finlandia, sedemque Episcopalem relictam, ad Monachos se aggregasse, cum verbis Auctoris convenire non videtur? Quum Canonicum antea fuisse Upsaliensem mox addatur, ac libris, Sigtunensium Fratrum auxilie Bibliothecam, idem reperiat; inter hos olim vixisse, non improbabile videatur. De tempore advenientium ac primas in Svecia sedes na-

ctorum Fratrum Prædicatorum, adeo cæterum anceps atque parum hactenus explicata est controversia, ut hoc loco illam extricare non aggrediamur; quod neque institutio permittit. Cfr. LAGERBRING I c. II p. 443 sqq., & A CELSE p. 56, n. 7; p. 68, n. 3; p. 60 n. 1: &, 12 (nec non p. 75, n. 1).

Æque parum illustrare valemus, quod addit Auctor, prius *Canonicum* fuisse *Upsalensem*; de cuius dignitatis illic temporibus ratione cfr. quæ supra observavimus p. 168 sq. *Capitulum* quoddam ante *Canonicorum* *sæcularium* legitimam institutionem, *Upfaliæ* jam fuisse, etiam ex literis discimus Papæ *Innocentii III* ad *Archiepiscopum Lundensem*, a:o 1207 datis, unde hæc verba exhibet A CELSE (p. 50 n. 12): *Tam per literas tuas, quam — Svercheri Swethicæ Regis illustris, & venerabilium fratrum suffraganeorum, & dilectorum filiorum “Capituli Ecclesiæ Upfalenis” — accepimus &c.* Qualem Capitularem, nostrum quoque fuisse, a vero haud abhorret.

Quo anno *Thomas* noster ad munus Episcopale admotus fuerit, & a quo constitutus atque in Fenniam missus, pariter hodie ignoramus. Anno jam 1209 factum esse Episcopum, existimat BENZELIUS (*Arnott. in Vasstovii Vit. Aquil.* p. 61); cuius assertionis inde pendet firmitas, si de *Thoma* nostro agere putandæ sint litteræ Papæ *Innocentii III*, ad Andream Archiep. Lundensem dætae, de quibus mox disputabimus? MESSENIUS *Thomam* a. demum 1220 Episcopi dignitate auctum fuisse dicit (sc. IX p. 64); quod quibus nixus statuat rationibus, non significat.

Illegitimo thoro natum hunc fuisse Episcopum (27), praeunte BENZELIO (l. c.) existimat LAGERBRING (P. II p. 237 sq); cfr. A CELSE p. 52 n. 16. Pendet haec res ab interpretatione Bullæ Innocentii Papæ III, datæ a Pontificatus XII (a. 1209) ad Andream Archiepiscopum Lundensem; quam a BALUZIO editam (Epp. Innocentii III L. XII, Ep. 102, T. 2, p. 361) primus ad nostrum traxit BENZELIUS. Nomen quidem Episcopi in literis Pontificis non exstat; neque *Finlandiæ* in illis mentio fit, sed *Fialandiæ*: quod vocabulum corruptum esse, neque de alia terra quam *Finlandia* nostra intelligi posse, BENZELIUS judicat. Verba ipsa, (quantam illorum partem, ex *Baluzianis* exscriptam nobis dedit l. c. not. (3) Nob. LAGERBRING) exhibere necesse duximus: *Episcopo ejusdem terræ* “postquam in propagatione Catholicæ fidei cursum suum ibidem legitime consummavit”, ad *cœlestis remunerationis brabeum* evocato, nullus est ei bacillus substitutus. Nam cum propter novellam plantationem & ejusdem regionis hominum pertinaciam, ac “loci etiam intemperiem”, electus ibidem non ad bonorem assumptus, sed expositus martyrio reputetur, nullus ferre “ad illius sedis regimen” aspirat.” Lubentes fatemur, verbum *Fialandiæ*, quod corruptum esse facile patet, in nullum aliud commodius commutari atque corrigi posse videri, quam si *Finlandiæ* legendum esse asseramus; nec talis corruptio hujus nominis insolita est, quippe cum v. g. in *Breviario Arosiensi* (Basil. 1513 typis impresso) quoties in Festo S. Erici & S. Henrici mentio patriæ nostræ

Z 2

fit,

(27) Sc. aut *Spurium* fuisse, aut *Sacerdotis filium*, aut parentibus natum quorum *nuptiae*, sive intra gradus prohibitos contrariae sive benedictione sacerdotali non confirmatae fuerunt: nam haec omnia vitia ejusdem haberi generis voluit Pontifex Romanus. Cfr. LAGERBRING P. II p. 423 sqq.; A CELSE p. 67, n. 3.

fit, semper *Fuilandiam* scribi videoas. Sed fatendum si nul est, vocabulum *Finlandiae* illo ævo non de nostra hac soluta usurpatum fuisse patria; ac etiam interdum de *Wendorum* terra adhiberi consueisse. Exempla hæc apponemus: ERICUS OLAI (Ed. Mefs. p. 102, Ed. Locc. p. 55) *Dicitur, inquit, in Chronicō Danorū, quod Canutus Rex Daniæ Walde-mari filius, vicerit Finlandiam anno Domini MCXII;* &c. Quo loco auctorem Chronicī illius Daniī *Finlandiam* pro *Wendia* vel *Venedia* scripsisse, dubitare nemo potest, qui de eadem R. Canuti expeditione quæ alii dicunt, contulerit (28). Neque nostram fuisse *Finlandiam*, sed *Wen-diam, i. Vindiam, Vindlandiam*, in quam R. Norwegiæ *Olaum S.* lim exscensionem fecisse, quamque bello vexasse, narrat STUR-LONIDES, (*Hist. Norv.* Ed. Peringsk. T. I p. 380 sq. Ed. Schön. T. II, p. 7 & 8), ad eum locum sponte fatetur SCHÖ-NINGIUS. In *Venedicas* igitur terras, æque ac in *Estoniam*, cum Dani iis temporibus imperium subinde exercuerint; videndum est, annon ad eorum potius locorum Episcopum aliquem, Papæ spectare Epistolam, quam ad *Thomam* nostrum, judicandum sit? Quod rerum Slavica-rum peritioribus disquirendum relinquimus. Minus sa-ne videtur nobis verisimile, & *Thomam* ab anno usque

1209

---

(28) *Chronicon Sialandiae* ab ARNA MAGNÆO, Lips. 1695 editum (a LANGEBEKIO *Scriptor. Rer. Danicar.* T. II recusum) p. 48 (Lang-geb. p. 622) habet: *Å:o MCXCI Expeditio ad Finland (per Canutum Regem), quæ devitta est a Danis.* Cum quo alia Chronicā vetusta concinunt. Cfr. LANGEBEK l. c. T. I p. 164, 242, 253; T. II p. 271. Qua verba de expeditione ejusdem Regis *Wendica* agere, Historici sagaciores & Dani & Sveci consentiunt. Vid. GRAMIUS ad MEURSII *Hist. Dan.* p. 360; MESSENIUS Sc. T. XII p. 107; BENZELIUS *Annot. ad Va-stov.* p. 17; LAGERBRING II, p. 201 sq. Similiter illam *Vinlandiam*, in quam Legationis officium, Balduino de Alna Episcopo Semigallieni, concessit Papa Gregorius IX, in patria nostra quæri non debere, res ipsa docet. Cfr. GRUBERI *Orig. Liv.* p. 269 & 183.

1209 ad a. 1248 hic sedisse Episcopum, & ejus ordinandi curam, (in primis si Monachum Sigtunensem & Capitularem Upalensem fuisse non negamus), Lundensi potius commissam fuisse quam *Upalienfi* Archiepiscopo, ad cuius Dioecesin Finlandia utique pertinuit; ac Monachum (si vere noster) *Dominicanum* (qui Ordo a. demum 1215 in Concilio Lateranensi a Papa *Innocentio III* (aut potius a. 1216 ab *Honorio III*), confirmatus fuit, anno jam 1209 Finlandensi admotum fuisse Episcopatui, absolum est. Credas etiam, de hominis *Angli* natalibus, non tam facile quam de indigenæ notæque nascendi fortis, in ultimo septentrione fuisse dubitationem subortam? Verum quidem est, quæ de novella ecclesiæ plantatione, de *hominum barbarorum pertinacia*, ac de loci intemperie Epistola Papæ commemorat, ad Finlandiæ nostræ eo tempore conditionem optime quadrare; sed de *Wendis* non minus vere dici, nemo puto dubitatibit? Miror autem, Nob. LAGERBRING (l. c.) ex iisdem his literis Papalibus, de *Thoma* nostro explicatis, collegisse, longo post cædem b. *Henrici* intervallo nullum in *Finlandia* Episcopum fuisse constitutum, adeoque *Thomam* nostrum hinc primum censendum esse *Finlandensem Episcopum*. Mihi quidem contrarium plane ex verbis Pontificis, si quidem ad nostrum pertinere credere queam, effici posse videatur. Mentio enim fit *Episcopi ejusdem terræ* (*Finlandiæ*); qualem non fuisse *Henricum*, *Upaliensis Ecclesiæ Præfulem*, omnes fatentur (cfr. supra p. 147); de *Sede Episcopali* vacante, atque antea jam instituta, *ad cuius regimen nullus fere aspirat*, ac de Antistite in mortui locum *substituendo*, aperte agitur; non de nova nunc demum Episcopa instituenda. Sed non placet his diutius immorari. Hoc sane non animadversorum spero neminem, hujusmodi conclusiones atque ratiunculas, ad Auctoris nostri de *Rodulfo & Folquino*

et Ecclesiae Fennicæ, ante *Thomam*, Antistitibus narrationem rejiciendam, traditionisque veteris auctoritatem infirmandam, haud sufficere (29). Simul autem lubentes fatemur, *Thomam* tamen primum esse, quem a Pontifice Romano Finlandensis nomine Episcopi appellatum, idoneis hodie doceri testimoniosis atque monumentis possit.

Magnis *Thomam* nostrum de confirmanda, augenda & defendenda Ecclesia Fennica meritis (pro ratione temporum) eminuisse, negari nequit. *Ecclesiam ei commissam de novo ad agnitionem venisse veritatis*, testimonio nixus *Archiepiscopi Upsalensis*, Papa *Honorius III*, in Literis ad nostrum Episcopum a. 1221 datis, asserit (30); crevisse insigniter (opera hujus Episcopi) *in eisdem partibus fidem Katbolicam, & Finlandensem Episcopum in Finlandia & terris vicinis (Tavastia & Carelia?) magnum populum ydolatrie cultui servientem, euangelicando nomen Domini nostri Jesu Christi, de novo acquisivisse*, Papa *Gregorius IX*, binis Epistolis a. 1229 datis (31), testatur; qui idem *Paganos Fennos fuisse de novo per eum conversos*, alia Bulla, eodem anno data, confirmat (32). Omnes nempe Bullas hasce Papales ad nostrum spectare *Thomam*, valde videtur verisimile; unde anno quidem jam 1220 ad Episcopalem ad-

(29) Adde quod supra, p. 105, ex literis Papæ Gregorii IX, a. 1229 adi Episc. Lincensem &c. scriptis, eliciimus argumentum: in quibus *Cathedralem Ecclesiam & Episcopalem sedem ante hujus Episcopi tempora in Finlandia extitisse, aperte significatur; quas ad locum jam transferendi commodiorem, a Papa veniam petierat*.

(30) Vid. supra p. 106, not. (76).

(31) Vid. supra p. 101 & 105.

(32) Vid. supra p. 107.

admotum fuisse dignitatem, MESSENIO non inviti largimur. Quumque a vicinis barbaris Ecclesia sua vehementer affligeretur, scita effecit diligentia, ut Pontifex Romanus suam, temporibus illis gravissimam, interponens auctoritatem, sub protectione Apostolicae sedis & sua Episcopum, Gerum & Populum Finlandensem reciperet, atque molestatores eorum per censuram ecclesiasticam compesci juberet. (33). Cum porro hostium saevissimum furem Mercatores Wisbyenses, Lubecenses ac Rigenses, (quos mercaturam magnam atque quæstuosam seculi XIII initio cum accolis Sinus Fennici fecisse appareat), turpi ardentes lucri studio alerent, *in armis, equis, navigiis, viualibus & aliis mercimoniis iisdem subvenientes, atque ferrum, arma & ligna iis apportantes* (prædam quoque Christianis eruptam a piratis coementes!), Episcopi nostri opera & follicitationibus factum est, ut Pontifex, benefica admodum Fennicam Ecclesiam cura complexus, ferociam barbarorum compescendi non imprudenti capto consilio, hæc cum hostibus Ecclesiæ a Mercatoribus Christianis factitari commercia, severè prohiberet (34); si non optatissimo, at neque nullo tamen, ut putamus, successu. Quin Milibus quoque Christi in Livonia, Papam injunxisse reperimus (35), ut *ad provinciam Finlandie, pro defendenda novel-*

(33) Vid. supra p. 101, not. (71).

(34) Pertinent hic, 1:o Bulla Papæ Honorii III, paullo ante commemorata, *Laterani Id. Januarii, Pontificatus anno V* data (13 Jan. 1221), de qua cfr. supra p. 106 not. (76); 2:o Gregorii IX, data *Perusii X Kal. Februarii Pontificatus anno II* (23 Jan. 1229), supra p. 101 recentita; 3:o Eiusd. *ibid. eod. anno, XIV Kalend. Marcii* (16 Febr. 1229) data, supra p. 102 not. descripta; 4:o Eiusd. *ib. Id. Januarii, Pontificatus III* (9 Jan. 1230) data, supra p. 101 sq. indicata, de qua cfr. etiam A CELSE p. 63, n. 7.

(35) Vid. supra p. 102 not.

novella plantacione ad Christi fidem in ea noviter conversorum, contra infideles Ruthenos accedentes, "cum consilio Finlandensis Episcopi, qui assumpsit in premissis partibus negocium fidei ex animo prosequendum", defensioni eorum insisterent viriliter & potenter: quod consilium, evenitu licet sperato, ut videtur, destitutum, nostri itidem Thomae studio impigro Ecclesiam confirmandi suam, derbi, non temere existimes. Quem non docendo tantum, sed vi quoque & armis, S. Henrici insistentem vestigiis, gregem suum auxille, a moribus temporum haud abhorret; licet nec quibus copiis undeque ductis usus sit, nec quas in primis Finlandiae partes Ecclesiae sue adjecerit, doceri hodie possit: nisi de Tavastis in ovile suum compellendis in primis laborasse, ex Literis Papæ Gregorii IX, Lateran V Id. Decemb. a. XI (9 Dec. 1237) datis, de quibus supra (p. 100 sqq) egimus, colligas, ubi mentio fit novelle Ecclesiæ Dei plantacionis de Tavastia? Neque absurde originem Coloniarum quarundam Svecicarum, in remotioribus maxime Nylandiae partibus collocatarum, ad hæc tempora referas? Zelo quidem atque diligentia sua, Thomam nostrum, secundum dici Ecclesiæ Fennicæ fundatorem meruisse, negari nequit. Ad illam vero promovendam Tavastorum conversionem, quæ victricibus R. Erici XI armis (Birgeri Jarli ductu per hanc provinciam motis) debetur, nostrum maxime consultisse Episcopum, quod suspicatur JOHANNES MAGNUS (36), ac fidenter assertit VASTOVIVS (37), eo affirmare minus audemus, quo apertius rationi temporum repugnat; quæ anno ante Birgeri expeditionem, Thomam, ex Finlandia profugum Wisbyæ mortuum fuisse, ut mox ostend.

(36) Gothor. Sveonuque Hist. L. XIX, C. xv.

(37) Vit. Aquil. in vita Thomæ.

stendimus, docet. Quo ineptius VASTOVIVS, sanctitatis laudem nostro vindicaturus, illum, quam verbo exemploque Tavastis instillabat fidem, sanguine demum proprio per martyrium fuso consignasse, ab infidelibus immaniter trucidatum, comminiscitur. Superiora tamen nostri molimina, irritatam inde atque exasperatam barbarorum ferocitatem, & assiduas actris indefessique viri sollicitationes, ad belli Tavastis inferendi incitandum consilium non parum contulisse, facile credimus.

Inter reliqua favoris documenta, quæ a Romano Pontifice noster expertus fuit, liberalitatem etiam referre solent, qua *Lucos & delubra deputata olim ritibus paganorum, quæ de novo per eum conversi ad fidem, Ecclesiæ sue, voluntate spontaneæ contulerant, ipsi Ecclesiæ, (petente Episcopo) auctoritate Apostolica confirmavit* (38). Nempe ne quis terras non Episcopo privatim, sed in publicum Ecclesiæ usum donatas, auferre olim auderet, Papæ auctoritate (qui supremum bonorum ecclesiasticorum tutelam sibi asseruit) donationem communiendo esse judicavit: cuiusmodi precibus non solebat curia Romana repugnare (39). Cæterum earundem terrarum partem aliquam non multo post ab Episcopo nostro esse

A a

Ca-

(38) Bulla Papæ Gregorii IX data est *Perusii II kal. Febr. Pontificatus anno II* (31 Jan. 1229); vid. supra p. 107 (Cfr. A CELSE p. 62, n. 6), ubi simul quid *delubra* in hac Bulla commemorata significare nobis videantur, indicavimus. Annum 1228 huic Bullæ affixant SPEGEL *Skrifte*, *Æwigs til Bist. Chrifitan*, p. 150, & *Aftæ Upfal.* anni 1725 p. 62, (quibus locis Bulla ipsa legenda exhibetur), eorumque ductum secuti alii.

(39) Cfr. LAGERBRING P. II p. 347 sqq. Nostrum autem quod hinc avaritiae taxat RHYZELIUS (l. c. p. 328), & artificii *Episcoporum Catholicorum* solennis, agros & prædia ad se trahendi, mirum videri

Capellano suo *Wilhelmo*, sive in privatam sive in Ecclesiæ suæ publicum usum donatam, ex superstitionibus adhuc ejusdem literis constat; quas auctoritate Pontificia etiam illas fuisse confirmatas, ex conservato hodieque Bullæ Papalis apographo discimus (40).

Ma-

possit: nescio enim cui potius quam Ecclesiæ usui hæ terræ vindicari deberent? modo consensu id fieret summi imperantis, quem neque hic defuisse credas.

(40) Duplex literarum Thomæ Episcopi hic commemoratarum, in *Registro Ecclesiæ Aboënsis* occurrit exemplum; alterum Fol. 102 (pleniū atque accurrius, ut videtur), alterum Fol. 103. Illud secutus est SPEGEL, qui l. c. typis exprimendum curavit; *hujus* habuisse apographum Nob. LAGERBRING, ex l. c. p. 349 not. (4), & p. 461 discimus. Vocabulari autem *Thomas* in posteriore hoc exemplo *Finnensis Aboënsis* (*Episcopi* vocabulum excidit) manifesto sphalmate vel glossa. In priore exemplo præter *terram in parochia de Masku*, adjicitur etiam *medietas cuiusdam insule que Taypale dicitur*, quæ verba ex altero exemplo absunt. Utrumque ostentat vidisse *Thomæ Episcopi Wessonensis*, scriptum apud Ecclesiam Nummis Aboënsis Dyoecesis, anno Domini 1351, in crastino S. Vincentii Martiris: ita tamen, ut ex diversis ejusdem autographis hæc fluxisse apographa, aperte pateat. Utrum Ecclesiæ cui præfuit ille *Wilhelmus* (quem *Thomæ* nostri popularem, nescio quo arguento, nisi sola forsan conjectura ex nomine suo ducta, nituntur? SPEGEL Chr. Episc. P. II p. 388, & RHYZELIUS l. c. faciunt) *Nousensi* hæc donatio facta sit, an in privatum hominis usum, dubium videri queat. Nam in litteris Papæ *Gregorii IX*, dat. Anagnie XIII Kal. Novembbris, Pontificatus anno VI (20 Oct. 1232) dilecto filio *Wilhelmo* presbitero, Rectori ecclesiæ Sancte Marie de *Nousia*, *Finnensis* dyoecesis, scriptum legimus: *terram de Masko, que dicitur Lunda*, quam venerabilis frater noster *N.* episcopus *Finnensis*, capituli sui accepte consensu, ecclesiæ tue pia & provida liberalitate concessit, prout in litteris exinde confessis dicitur plenius contineri, sicut eam juste possides & quiete, tibi & per te ipsi ecclesiæ, auctoritate apostolica confirmamus &c. Habentur hæc Literæ in *Registro Eccl. Aboënsis* Fol. 102; cfr. A CELSE p. 66, n. 21, ubi male legitur Pastori *Maskoënsi* pro *Nousensi*, & mentio *dimidii insulae Taipalæ* (leg. *Taypale*), quæ apud Neb.

Majoris vero moliminis memoriaque dignius fuit consilium, quod hunc eundem agitasse Episcopum novimus, Sedis suæ Episcopalis ex loco priore minus ydoneo ad alium competenciorem transferendæ: cuius rei veniam cum a Romano petiisset Pontifice, hic non temere tantam rem, neque nisi post opportunitatem locorum diligenter exploratam, suscipiendam ratus, Episcopo Lincopenſi, Abbatи de Gutlandia & Præposito de Wisby mandatum

A a 2

LAGERBRING l. c. p. 349, not. (4), per errorem typographicum scribitur *Laipala*) temere inseritur, cuius Papa in his literis omnino non meminit). Ex quibus litteris patere sane putas, ecclesiæ Nousensi hoc datum fuisse donum. Literæ autem ipsæ Episcopi, nuper allatae, ecclesiæ nullam injiciunt mentionem; quibus quæ adjunctæ in *Registro Eccl. Aboënsis* Fol. 102 reperiuntur (quarumque fidem itidem Thomas ille Episcopus Wexionensis suo testimonio munivit) Literæ Magni Episcopi Aboënsis, adhuc clarissimo Wilhelmo privatim hoc donum traditum fuisse, demonstrare videntur. Tales autem sunt: *Universis presentes litteras visuris vel audituris Magnus Dei gratia episcopus Aboënsis salutem in Domino sempiternam. Noveritis Nos litteras felicis recordacionis Thome, quoniam Aboënsis episcopi vidisse sub hac forma: (sequuntur Literæ Thomæ, jam a SPEGELIO exhibitæ; deinde pergit:)* Et quia heres predicti cappellani super confirmatione donationis predictæ nobis insitit, rogans: quatenus nos eandem donationem dignaremur confirmare, Nos inspecta donatione prefata predecessorum nostrorum (an predecessoris nostri?), nec non confirmatione eorundem (forte ejusdem?) ipsam (ipsi?) cum ratione confirmationis [?] sepedicte, cum etiam propter meritum Wilhelmi herediti cappellani supradicti, cum ipse temporibus domini Johannis, bone memorie predecessoris nostri, quandam mansionem quæ Saris vocatur, ecclesie nostre Aboensi contulerit, sepedicte donationem predecessoris nostri auctoritate qua fungimur confirmans. Datum in Custo anno Domini MCCXCV, die Lune proxima ante festum Sancti Martini. Eandem tamen donationem spectare videntur & haec Episcoporum Thomæ & Magni litteræ, & confirmatio Papæ? Quare etiam vitio laborare anni notam, vel litteris Thomæ nostri (a. 1234), vel Bullæ Pontificis (Pontificatus VI, a. 1252, in Reg. Ab. ad marginem adscriptum legitur 1234, utriusque puto loci conciliandi consilio?) subjectam, existimes? Nam illas hac fuisse priores, necesse est?

tum dedit, ut inquisita super hoc diligencius veritate, si rem invenirent ita esse, cum consilio ejusdem Episcopi & Clericorum suorum transferrent auctoritate Papali Sedem sandem ad locum in eadem Dyoceſi magis aptum (41). Quid hi praestiterint delegati, nescimus; sed probasse tamen consilium Episcopi, ex mutato, utique postea, loco Templi Cathedralis probabile fit: licet quid Thoma nostro sedente Episcopo, in hoc negotio præterea actum sit, prorsus ignoremus (42). Cæterum ex Bulla Pontificis neque unde translatio suscipienda esset, neque quorū discimus; neutro nempe loco nominato. Nimis autem præcipitanter ex hac Bulla concludit ÖRNHJÄLM (l. c. p. 464, cfr. p. 391), ad stipulatores magnæ noctis auctoritatis (43), translationem hanc sedis Episcopalis eodem anno, imo die (23 Jan.) revera perfectam fuisse; eoque nomine reprehendit JUUSTENUM nostrum & MESSENIUM, qui anno demum 1300 contigisse narrant. Bulla enim ipsa docet, non approbasse adhuc eo anno (1229, vid. A CELSE p. 62 n. 3) simpliciter Papam Episcopi nostri consilium, sed examini atque judicio Episcopi Lincensis, Abbatis de Gutlandia & Præpositi de Wisby rem subjecisse: præterea aut tantam molem, quantafuit Templi Ca-

(41) Supra jam docuimus (p. 104), non esse nisi unam Bullam Pontificiam (die 23 Jan. 1229 datam) ex qua duas fecit Nob. A CELSE p. 62, n. 3 & 4. Ipsa verba hujus Bullæ, quibus Papa plenam Episcopo Lincensi &c potestatem concedit de tota re statuendi, satis ostendunt, alia præterea Bulla quadam Pontificia confirmatoria opus non fuisse; quæ neque reperitur.

(42) Utrum delegati a Papa triumviri, ipsi ad Finlandiam profecti sint, (locorum opportunitatem suis oculis exploraturi, quæ mens Pontificis fuisse videtur), nec ne? penitus nos latet. Quo anno Templi Aboënsis prima jaēta sint fundamenta, similiter nescimus,

(43) LAGERBRING l. c. P. II p. 461, sed cfr. p. 797. Vid, RHYZELIUS l. c.

thederalis, hic Aboæ in terra parum culta, paupere atque nuper ad Christianam fidem adducta, celerrime tuisse exstructam, aut ante hoc ædificium perfectum Episcopos priore Templo Cathedrali relicto ad novum locum migrasse, non est probabile; neque otio *Thomam nostrum* abundasse, neque pacatissimam Ecclesiam fuisse, supra vidimus (p. 100 — 104). Nisi ex loco nunc incognito, ubi hactenus Episcopus habitaverat, (forte *Nouensis*), tum primum sedem Episcopalem ad Råndåmåki fuisse translatam suspiceris (44)? Chronic certe nostri constat fide, (quam *Fragm. Palmeskoldianum* fulcit) Episcopos tres, proximos *Thomæ* successores, in Råndåmåki (i. Templo S. Mariae Råndåmåkiensi) fuisse sepultos; unde certissimo patet argumento, Cathedralem dignitatem interim ibi mansisse.

(z) Quamdiu *Wisbyæ* commoratus sit, quove anno ex Finlandia profugerit, nescimus. Credas tamen nonnisi anno ante mortem proximo (1247) contigisse; quo ipso mortuum jam fuisse, MESSENIUS Scond. T. X p. 9 statuit, in *Chron. Episc.* (p. 106) nostri auctoritatem recte secutus. Cum doceat nos A CELSE (p. 70, n. 18) *Wilhel-*  
*mum Sabinensem*, Legatum Pontificium, diplomate, XII  
*Kal. Mart. Pontificatus Innocentii IV anno V* (18 Febr.  
1248) *Skeningiæ* dato *confirmasse donum librorum, quibus*  
*Thomas Episcopus Aboënsis Bibliothecam Prædicatorum Sig-*  
*tunensium locupletaverat*; jam tum nostrum in Sveciam  
rediisse spemque suæ hic locorum ecclesiæ per se tuen-

A a 3 dæ

---

(44) Cfr. supra p. 105, not. (74) & (75). Nec nihil favet huic hypothesi, quod *Rector (Pastor) Ecclesie Nouensis* simul esset *Cappellanus (Hof-Predikant) Episcopi?* Credas utique Episcopum ibi sedisse? sed nulla hujus rei in vetustioribus nostris monumentis occur-  
runt vestigia,

dæ ornandæque amisisse, conjicias? Ejus tamen, officiæ & curæ suæ penitus oblitem haud fuisse, ex aliis colligi ejusdem *Wilhelmi Sabinensis* literis possit (siquidem Episcopo nostro monente atque suadente editas esse credas?), *Wisby nonis Junii Pontificatus Domini Innocentii Pape IV:ti anno V.* (5 Junii 1248) scriptis, quibus *venia conceditur Clericis Aboënsis dioecesis, testandi bona sua bæreditaria monasteriis* (his eas verbis recenset A CELSEI. c. p. 73, n. 24); quia tamen non eandem prorsus sententiam fundere videtur exemplum literarum, eodem loco dieque, ab eodem *Wilhelmo* datarum, quod in *Registro Ecclesiæ Aboënsis* (Fol. 46 sq.) habetur, verba ipsa inde transcripta subijcere vilum fuit (45).

## Cx-

---

(45) "Ut de bonis vestris, que vobis in hereditate vel artificio  
 "ceu eciam doctrina, ex concessione alicujus consanguinei vel amici  
 "vestri, habentis tantum ad vos & non ad ecclesiæ vestras respectum  
 "proveniunt, libere vestrum quilibet testari possitis, auctoritate vobis  
 "qua fungimur apostolica concedimus facultatem: nichilo minus sub  
 "anathematis vinculo prohibentes, ne episcopus, qui pro tempore fu-  
 "erit in ecclesia Finlandensi, vos vel vestrum aliquem, super rebus  
 "quas vestro vel ecclesiarum vestrarum nomine possidetis, ullo unquam  
 "tempore indebite audeat molestare." Nulla hic *Monasteriorum* mentio  
 fit (qualia in Fennia quidem nondum fuisse, credimus), aut bonorum  
 iis donandorum. Potius credas, Episcopum *Thomam* metuisse, ne Cle-  
 ricis Finlandensibus, qui (vel hæreditate, vel suo aliorumve munere)  
 bona quædam *privatum* acceperant, vel ipsi acquisiverant, jus eadem  
 testamento in alios libere transferendi, olim privarentur, eaque omnia  
 ad ecclesiæ suæ pertinere, judicaretur; ac ne Episcopus olim aliquis  
 in hæc vel privata sacerdotum vel publica ecclesiarum suarum bona, domi-  
 nium sibi atque dona revocandi potestatem arrogaret? Vel num creden-  
 dum est, ab ipso *Thoma* nostro tale quid fuisse tentatum, atque con-  
 tra simile periculum Clericos voluisse suos in futurum muniri? Non  
 videtur.

Cæterum fugam Episcopi nostri non obscure prodere, putamus, opes Svecorum in his oris, resque Ecclesiæ Fennicæ, nondum fuisse firmissimas, atque loca in primis munita, in quibus Barbarorum irruptiones time-re necesse minus esset, defuisse? De hostibus ipsis, quo-rum furori eripere sese coactus fuit, supra satis diximus. Ad Monasterium autem *Fratrum Prædicatorum*, e quo-rum ipse erat Ordine, Wisbyam se recepisse noster videtur; apud quos a. 1248 diem suum obiens, vitæ labo-riosæ & agitatæ placidam invenit quietem. De anno mortis, præter Auctorem nostrum (cui concinit *Fragm. Palmiskoldianum*) dubitare nos nec alia sinunt antiquorum Monumentorum testimonia (46); adeo ut VASTOVIUS audiri minime debeat. Ad *Dominicanos* vero *Wisbyenses* sese contulisse (47), auctoritate *Fragmenti Palmiskoldiani* confirmari videtur; quod de nostro habet: *Thomas Anglicus*, de *Ordine fratrum Prædicatorum*, “*Wisby resedit tamen propter Anglicos*”, illuc se transtulit — (propter?) *Curonum & Ruthenorum furorem*; ibi obiit anno D:ni MCCXLVIII:o & in summo choro apud eosdem sepelitur. Quo loco, licet aut corrupta sint, aut difficilima intellectu verba illa, *Wisby resedit tamen propter Anglicos*, interim in Choro templi ad *Ordinem aliquem*

aut

(46) *Incerti Scriptoris Sveci Chronicon Rer. Sveogothicar.* ab OL. CELSIO editum (Ups. 1705, 8:o) p. 6, reperiendum etiam in *LANGEBEKII Scr. Rer. Dan.* T. IV (vid. p. 594). Cfr. LAGERBRING l. c. p. 462, not. (2).

(47) Cfr. MESSENIUS Sc. T. X, 9. Habuisse hos Wisbyæ Monasterium celebre, docent RHYZELIUS *Monaft. Sv.* p. 156, WALLIN *Gothl. Saml.* p. 4; cfr. VASTOVII *Notit. Monasteriorum*, *Viti præmissam*, ac in primis *Append.* (Ed. Col.) p. 177, ubi Bullam Papæ Innocentii IV exhibet, “*Priori ac Fratribus Ordinis Prædicatorum de Wisbii, Lingacopen* Dioc. per Gothlandiam, dat. Anagniæ IX Cal. Octobris, anno primo (23 Sept. 1243) Cfr. A CELSE p. 67, n. I.

(aut *Communitatem* s. *Confraternitatem*, gilde?) pertinentis, fuisse sepultum, atque apud eundem ante *re sedisse* (habituall, quod tamen nonnisi de ultimo vitæ suæ tempore intelligendum esse, aliunde satis constat), manifestum est. Num peculiarem quandam Societatem, suo templo instructam, *Gens Anglicæ* hoc tempore in urbe Wisbyensi, mercatura florentissima celebri, habuerunt, ad quos populares suos noster confugit? Aut nonne credendum potius est, primos Fratres Prædicatores, qui Ordini suo sedem in Gotlandia stabilem comparaverant, *ex Anglia* oriundos fuisse, atque hinc Monasterii hujus fratribus nomen *Anglicorum* hac ætate adhæsse? Definire tamen nihil valemus.

## B E R . Q , I .

(aa) *Cancellarium R. Erici Secundi* (legendum videtur *Undecimi*, *Erici Filii*; ex male intellecta numeri nota, II pro XI, (2 pro XI) natum errorem existimes? (48)) fuisse, etiam aliunde constat (49): qua vero cognatione laudatum illum Regem noster contigerit, nunc quidem sci-

(48) Nulla enim ratio excogitari potest, cur *Secundus* appelletur? cui *Ericum* certe Sanctum, ejusque nepotem *Ericum Canuti*, in imperio præcessisse, ignotum esse potuit nemini.

(49) De *Cancellariorum Regiorum* his temporibus dignitate agit, nec paucos illorum enumerat VON STIERNMAN in eorum illo Indice (*Sörtekn, uppå Herrar Sveriges Rikes Cancellarer &c*) quem adjectit PETRI ANDREE NIGRI (*Swart*) *Historia Veterum Episcoporum Arosiensium*, a se editæ, p. 80 sqq. Inter hos Beronem nostrum *Cancellarium* fuisse R. Erici docet annis 1222, 1240 & 2249; ex monumentis sine dubio, quibus, per hos annos editis, nomen ejus, cum munieris adjecta mentione, insertum reperitur? quæque hinc fidem Autoris nostri pulcre confirmant.